

四庫全書

子部

欽定四庫全書

子部

赤水元珠卷十五

護校官太醫院恩糧臣袁天錫

編修臣倉聖脈覆勘

總校官編修臣王燕緒

校對官助教臣卜惟吉

謄錄監生臣蔣雲師

欽定四庫全書

赤水元珠卷十五

明 孫一奎 撰

秘結門

經曰大便者腎之所主腎主五液也腎氣充則大便潤
虛則津液耗竭而燥結矣又饑飽勞役損傷胃氣及
食辛熱厚味之物而助火邪伏于血中煎熬真陰皆
能使大便燥結又有年老陰血不足而燥者惟當補

而潤之不可用峻利之劑又大便燥結者不得發汗汗則重亡津液必秘結而死矣

有陽結有陰結有風結有實結有虛結有氣秘有血秘仲景曰脈浮數能食不大便者此為實名曰陽結也期十七日當劇脈沈而遲不能食身體重大便反硬名曰陰結也期十四日當劇陽結者散之陰結者熱之風結者諸藥中加羌活防風之類此二味雖是風藥然味辛所以能潤燥也

經曰腎惡燥急食辛以潤之

潔古曰臟腑之秘不可一槩治療有虛秘有實秘胃實而秘者能食小便赤以麻仁丸七宣丸之類主之胃虛不能食而小便清利者厚朴湯主之實秘者物也虛秘者氣也

東垣曰有物有積而結者當下之食傷太陰腸滿食不

化腹嚮嚮然不能大便者以苦泄之

仲景麻仁丸局方七宣丸皆以

大黃為君之類是也

治注夏大便瀉滯者血少血中伏火也黃

耆人參湯加生地當歸身桃仁泥潤之如潤之大便

仍久不快者少加煨大黃微利之如加大黃久不快利者非血結血秘是熱生風止當服黃耆人參湯內用羌活防風各五錢水四盞煎至一盞空心服之其便必大走也

丹溪戒人用峻利但宜滋養陰血使孤陽之火不熾而金行清化木邪有制脾土清健而運行津液津液入胃則腸潤而通矣須知在西北以開結為主在東南以潤燥為主慎勿膠柱而調瑟也

王海藏云桃杏仁俱治大便秘當以血氣分之年老虛
人大便秘脈浮在氣杏仁陳皮主之脈沈在血桃仁
陳皮主之所以俱用陳皮者以其干陽明病與手太
陰為表裏也

脈多沈伏而結
伏而遲或結

陽結脈沈實而數
老人虛人便秘結脈雀啄者不治

七宣丸

柴胡

枳實

麤炒

訶子皮

木香

各五兩

桃仁

去皮尖炒六兩

甘草

炙四兩

大黃

麤炒包煨十五兩

右煉蜜丸桐子大每服二

十九米飲下漸加四五十九以利為度

厚朴湯 胃虛而秘者不能飲食小便清利

陳皮 半夏 麴炒 枳實炒各一兩 甘草炙 厚朴製各二兩 白朮

三兩 每三五七錢薑三片棗一枚水煎服

保命集大黃牽牛散 相火之氣遊走臟腑大便秘結

大黃一兩 牽牛頭末五錢 為細末每三錢有厥冷合用酒

調無厥冷而手足煩熱者蜜湯調下食後以微利為度此謂不時而熱者溫熱也凡用大黃半兩至一兩

而大便不通利者加麝香少許調于藥中則大便必大走也

半硫丸 治年高虛秘冷秘 方見燥門

大潤腸丸 治大便秘澀通用

杏仁炒 枳殼 麻仁 陳皮各五錢 阿膠 防風各二錢半

右蜜丸桐子大每五十丸老人蘇子煎湯下壯者

荆芥湯下

麻仁丸 實秘能飲食小便赤此丸與七宣丸主之

枳殼

川芎

等分

麻仁泥

減半

煉蜜丸 梧子大 食前溫水下

又麻仁丸

風秘脾約症 小便數大便秘

大黃

枳殼

赤芍藥

各一兩

厚朴

錢五

麻仁

杏仁

各一兩
味俱另研

煉蜜丸 梧子大 每服三五十丸

皂角丸

治有風人大便秘澀

牙皂

枳殼

羌活

桑白皮

檳榔

杏仁

麻仁

防風

白芷

陳皮

等分

蜜九梧子大每服三五十丸蜜湯下

皂角枳殼丸

大腸有風秘結老人宜服

皂角

炙去皮子

枳殼

炒各等分

蜜九梧子大每七十九空心食前米飲下

搜風順氣丸

治大腸秘澀

大黃

五兩半熟半生

山茱萸

麻仁泥

郁子仁

炮去皮研

兔

絲子

山藥

牛膝

檳榔

各二兩

防風

枳殼

獨

活

各一兩

車前子

二兩半

煉蜜九梧子大每二三十九米

飲下平旦臨卧各一服

二仁丸 治老人虛人風秘不可服大黃者妙

麻仁 杏仁 枳殼 訶子等

蜜丸梧子大每三十九丸溫水下未利增之

四磨湯 氣滯腹急大便秘澀

沈香 木香 檳榔 烏藥等 各磨半鍾和勻溫

服有熱者加大黃枳殼名六磨湯

橘杏丸 治氣秘老人虛弱人皆可服

橘紅

杏仁分等

煉蜜九梧子大每七十丸空心米

飲下

蘇麻粥

順氣滑大便

蘇子

麻仁

以上二味不

拘多少研爛水瀝取汁煮粥食之

茯苓瑣陽粥

老人陰血不足大便秘結

肉茯苓

瑣陽

煮粥服

小通氣散

虛人憂怒傷肺致令秘澀

曾服燥藥而大便秘

陳皮

蘇葉

枳殼

木通

分等

水煎服立通

金液丹 治挾冷結滯兼治傷寒陰結以杏仁麻仁煎

湯吞下 方在寒門

神功丸 治氣壅風盛秘結後重疼痛煩悶

大黃

訶子

各四兩

人參

麻仁

各二兩

右蜜丸梧子大每二十九米飲下食後臨卧服此

藥虛實加減

小柴胡湯 治傷寒陽結能食而大便結

檳榔丸 治大腸實熱不通心腹脹滿

檳榔 大黃 麻仁 枳實 羌活 杏仁 牽牛

白芷

黃芩

各一兩

人參

五錢

蜜丸梧子大每四十九空心溫水下

四順清涼飲 治同前 每加燈心十根枳殼十片水

煎服效

檳榔散 治腸胃有濕大便秘結

檳榔

不拘多少

為末每服二錢蜜湯點服

香蘇散

治同上

加枳殼檳榔水煎服

五仁丸 津液枯竭大腸秘結傳道艱難

桃仁

杏仁

各一兩

栝子仁

郁李仁

炒黃研

松子仁

各二

錢半陳皮

四兩另為末

右五仁另研為膏入陳皮末研勻蜜

丸桐子大空心米飲下五十丸

調氣滋補溫腸丸

治發汗利小便亡津液以致秘結

沈香

一兩另為末

肉蓯蓉

二兩

為末用麻子仁汁打糊為

丸桐子大空心米湯下七十丸

潤腸丸

治脾胃中伏火秘結及風結血結

桃仁 麻仁 當歸尾 大黃 羌活錢各五 升麻

紅花 郁李仁 右除桃麻仁另研為泥外餘為末

煉蜜丸梧子大每三五十丸空心白湯下

一方加防風錢三 皂角仁燒存性兩半 無升麻以下三味

歲靈仙丸 治年高氣衰津液枯燥秘結

黃耆 枳殼 歲靈仙等分

煉蜜丸梧子大每五七十丸薑湯熱水任下

陳黃湯 治老人大大便秘結

黃耆

陳皮

各五錢
為末

每服三錢用火麻仁一合研爛

以水投取汁一鍾濾去渣于銀石器中煎候有乳

花起即入白蜜一大匙再煎令滾調藥末空心服

獨棗湯

治大便積日不通

大棗一枚劈開入輕粉五分依舊合起以麻線縛扎

慢火水煮熟嚼碎以棗汁送下

丹溪治虛熱大腸秘

白芍藥

一兩半

陳皮

生地黃

當歸身

各一兩

條芩

甘草各二錢 右粥九每七八十九白湯下

潤麻丸 治血燥大便不通此丹溪秘方

麻仁 當歸 桃仁 生地黄 枳殼各一兩

蜜九梧子大每五十丸空心白湯下

導滯通幽湯 治大便難幽門不通上冲吸門不開噎

塞不便燥秘氣不得下治在幽門以辛潤之 當歸

身 桃仁泥 升麻各一錢 生地 熟地各五分 炙甘草

紅花各三錢 水煎食前調檳榔末五錢或加麻仁泥一

錢若加大黃名當歸潤燥湯

潤燥湯

升麻

生熟地黃

各二錢

當歸稍

生甘草

大黃

煨

桃仁泥

麻仁泥

各三錢

紅花

五分

右除二仁另研作一服水煎數沸下二仁煎空心

熱服

活血潤燥丸

治大便秘血秘時常燥結

當歸稍

一錢

防風

三錢

大黃

紙裏煨

羌活

各一兩

桃仁

麻

仁

各二兩
研如泥

皂角

燒存性一兩三錢其性得
濕則滑滑則燥濕自解

右除二仁另研外餘為末蜜九梧子大空心服五

十九白湯送下三兩服後以蘇子麻仁粥每日早

晚食之大便不致燥結以磁器盛藥紙封

脾約麻仁丸

和劑方

治腸胃熱燥大便秘結

厚朴

去皮
薑製

芍藥

枳實

麩炒各
八分

杏仁

去皮
尖炒

麻仁

另研
各五

錢

大黃

蒸焙一
兩六錢

蜜九梧子大每二十九臨卧溫水

下以通利為止

潤腸丸 治大便秘澀連日不通

麻子仁

一盞半細研用水浸濾去皮取汁

芝蔴

半盞微炒研用水浸取汁

桃仁

泡去皮尖炒黃研如泥

荆芥穗

為末各一兩

右前藥入鹽

許少

同煎可以代茶飲之以利為度

三和散

治七情之氣結於五臟不能流通以致脾胃

不和心腹痞悶大便秘澀

川芎

三兩

羌活

去蘆

紫蘇

去梗

沈香

宣木瓜

白朮

木

香

檳榔

陳皮

甘草

各七錢半

大腹皮

三錢

每服五錢水煎服

木香三稜散 治腹中有蟲面色痿黃一切積滯

黑丑

半生半炒君

大腹子

君

檳榔

木香

三稜

煨透熟

雷

丸

莪朮

煨

錫灰

醋炒

大黃

已上各二兩

右為末每服三錢空心蜜水調下或砂糖水亦可
須先燒肉一片口中嚼之久久吐出口中肉汁然
後服藥

大小便不通

烏柏湯 治大便不通如神亦能通小便

烏柏木皮方一寸七劈破以水煎取小半盞服之立
通不用多服其功神聖無能取水或以此湯調下

五苓散二錢空心服

推車散 治大小便秘經月欲死者

推車客

七枚

土狗

七枚

如男子病推車客用頭土

狗用身

如女子病土狗用頭

推車客用身

右新瓦上焙乾為末用虎目即虎杖樹皮向南者

濃煎汁調只一服經驗如神

皂莢散

治大小便關格不通經三五日

不炷皂角燒灰米湯調下三錢即通

甘遂散

治大小便不通

甘遂

二兩

用赤皮者為末煉蜜二合和勻每一兩重

分作四服蜜水下如未效第二服漸加之

蜜硝湯

治大小便不通

好蜜一鍾入皮硝二錢用滾水一碗空心調下立通

導引法

蜜

匙二

葱汁

匙二

猪膽汁

匙二

青黛

分二

皂

角末

分五

玄胡索

分三

右同和一處以猪小腸一節

將此藥灌入腸內一頭用竹筒一箇兩頭俱用線扎定將竹管入肛門內徐徐擠藥進去肛門得藥氣即通神効

兌法 凡諸秘結不通或無他症及老弱虛極不可用下藥者 蜜熬老入皂角末少許以葱作骨乘熱擗作兌候冷硬用油塗肛門插入立通

猪膽汁導法 大猪膽一枚瀉汁和醋少許入竹管灌穀道中少刻即通

霹靂煎 用鹽與蜜乘熱搗如蜜兌法上頭銳用寸許納入穀道中少刻化開即通

一法 用蜜兌不通者 用鹽吹入肛門亦妙

提盆散 治雜病非陰候者

草烏頭不拘多少為極細末每用葱一枝肥者削去鬚圓頭上有汁濕蘸之納穀道中

海藏用鹽與蜜兌相合如用草烏頭末相合亦可蓋鹽能軟堅潤燥草烏能化寒消結可隨症陰陽所宜用之

宣積丸

巴豆 乾薑 韭子 良薑 硫黃 白檳榔 甘

遂

各等分

為末研飯為丸圓眼大早朝先用椒湯洗手

麻油塗手掌口握藥一粒移時便瀉欲止以冷水洗之

大小便不通

鹽燒紅填臍內切蒜一片蓋鹽上艾炷灸三五壯即

通

孫尚治趙令女忽吐逆大小便不通煩亂四肢漸冷無
脈凡一日半與大承氣湯一劑至夜半漸得大便通
脈漸和翌日乃安此關格之病極為難治垂死而活
者惟此一女耳

孫兆方 治大小便不通

皂角燒存性為末粥飲調下三錢立通

外臺秘要方 治脹滿大小便不通

獨蒜煨熟去皮紙包納入下部氣立通

止吐透格湯

藿香 砂仁 白蔻仁 陳皮 半夏 茯苓

錢各一

錢各二

厚朴 蒼朮 水二鍾煎七分入薑汁三匙徐徐

錢各半

頻服如火熱者去藿香蔻仁加黃連

姜汁炒

山梔竹茹

鬱結氣滯者加香附貝母檳榔

通關導滯散

木香

檳榔

枳殼

當歸尾

厚朴

各一錢半

大黃

三錢

如小便不通加瞿麥木通滑石各一錢半或用八正散水煎食前服

閉癰遺溺不禁辨

生生子曰閉者小便不出塞而不通也癰者罷弱而氣不充淋淋瀝瀝點滴而出或澀而疼一日或數十次或百次俗名淋病者是也閉則多是急病癰則是緩

病遺溺睡夢中溺出醒而方知是也不禁者日夜無
遍數頻頻而溺也今各分枝門詳載治法以見新久
虛實寒熱氣血各有所攸重也惟肝與督脈三焦膀胱
主之

經云肝主小便淋洩肝足厥陰之脈遶陰器所生病者
遺溺閉癰又云督脈者女子入繫廷孔其孔溺孔之
端也其男子循莖下至纂與女子等其生病癰痔遺
溺故遺溺閉癰皆取厥陰腧穴及督脈腧穴也又三

焦主之者經云三焦下脈在于足太陽之前少陽之
後出于膈中外廉名曰委陽足太陽絡也三焦者足
太陽少陽之所將太陽之別也上踝五寸別入貫膈
腸出于委陽並太陽之正入絡膀胱約下焦實則閉
癰虛則遺溺遺溺則補之閉癰則瀉之是也又膀胱
主之者經云膀胱不利為癰不約為遺溺然遺溺閉
癰不取膀胱腧穴者蓋膀胱但止藏溺其出溺皆三
焦及肝督脈也又經云三焦者決瀆之府水液出焉

膀胱者州都之官津液藏焉氣化則能出矣由是言之膀胱藏水三焦出水治小便不利故刺灸法但取三焦穴不取膀胱穴也

小便不通門

東垣謂小便不通有在氣在血之異夫小便者足太陽膀胱所主長生于申申者西方金也金能生水金者肺也肺中伏熱水不能生是絕小便之源也人法象天地膀胱之源自頭項下至于足故曰陽中之陰如

渴而小便不通者肺不能降是也治法者用清燥金
之正化氣味薄之藥茯苓豬苓澤瀉琥珀燈心通草
車前子瞿麥篇蓄之類皆為淡滲之藥能瀉肺火而
清肺金滋水之化源也若不渴熱在下焦是絕其流
而溺不泄也須用氣味俱厚陰中之陰藥治之二者
之病一居上焦在氣分而必渴一居下焦在血分而
不渴血中有濕故不渴也二者之殊至易分別耳

綱目云氣鬱于下微者香以散之甚者吐以提之血鬱

于下微者輕劑行之甚者峻劑破之

丹溪云小便不通有氣虛血虛有實熱有痰氣閉塞皆宜吐之以提其氣氣升則水自降蓋氣乘載其水也先哲譬之如滴水之器必使上竅通而後下竅之水出焉氣虛參朮升麻先服後吐血虛四物湯先服後吐痰氣閉塞者二陳加木通香附探吐實熱當分利之或八正散大便動則小便自通老人氣短者四物加參芪吞滋腎丸下焦血氣乾者死

統旨云氣虛而小便不通者經曰膀胱者津液藏焉氣化則能出矣氣虛則不能化故不通也血虛而小便不通者蓋血即津液之屬血虛即津液燥而溺道不利故不通也與痰氣閉結於下者虛實之情不同今丹溪皆用吐法乃急則治其標也雖然氣虛血虛以虛為本虛則必補之而後可夫以參朮四物調其真氣而吐之誠可以通其溺而其本之虛也豈參芪四物之類頃刻下咽遂能以補益之耶吾恐病根猶在

不久必復作故愚意以為若果氣虛血虛必用補氣
補血之藥使其氣盛而施化血生而津潤其便自可
以通不必探吐果宜吐者必須先吐俟其溺通繼服
補劑庶可平復非如痰氣閉結者但吐之而可已此
丹溪未盡之意予故表而出之

戴元禮云汗多而小便赤澀夏月多有此症盛暑所飲
既多小便反澀緣上停為飲外發于汗津道不通小
腸閉澀則水不運下五苓散然有虛勞汗多而反澀

者乃是五內枯燥滋腴既去不能生津當以溫養潤肺十全大補湯或養榮湯不可過用利小便藥蓋汗者心液心主血養血則心得所養汗止金生不待通溺而自清矣諸失精血及患癰毒人或有小便反澀之症亦是枯竭不潤之故也宜六味八味以治之

羅太無曰小便不利有三不可槩論若津液偏滲於腸胃大便泄瀉而小便澀少者一也宜利而已若熱搏下焦津液則濕熱不能行者二也必滲泄則愈若脾

胃氣澀不能通調水道下輸膀胱而化者三也可順氣令施化而出

丹溪云諸淋皆屬於熱余每用黃柏滋腎丸每百丸用四物湯加甘草稍杜牛膝木通桃仁滑石木香煎湯空心吞服無灸三陰交如鼓應桴累試累效

保命集云淋閉者涼膈散加滑石四兩茯苓一兩治熱在氣分之劑

東垣清肺散 治渴而小便閉或黃澀邪熱在氣分

茯苓

錢二

猪苓

澤瀉

錢各三

琥珀

瞿麥

桂

錢各五

通草

燈心

錢各二

木通

篇蓄

錢各七

車前子

錢炒一

每服五錢水煎熱服五苓散八正散亦宜用

仲景猪苓湯

治脈浮發熱渴而小便不利

猪苓

茯苓

阿膠

滑石

澤瀉

錢各一

水四升煎二升去渣內膠煎溶溫服一日三服

茯苓戎鹽湯

茯苓

半斤

白朮

二兩

戎鹽

彈九

大枝

為末白湯調下

清肺飲 治肺燥而小便不通

黃芩

錢一

山梔子

枚三

鹽豉

粒二十

長流水煎服

治熱在血分之劑

東垣滋腎丸 下焦陰虛脚膝軟無力陰汗陰痿以及

足熱不能履地不渴而小便閉者邪熱在血分也

黃栢

知母

俱酒洗焙
各二兩

肉桂

錢二

右滾水為丸梧子大每百九加至二百九煎百沸

湯空心服

潔古黃連丸 治因服熱藥過小便不利諸藥莫能效者或臍下痛不可忍

黃連

炒

黃栢

炒

甘草

各等分

水煎服

如再不通加知母此藥助氣使氣得化則通矣

羅太無白花散 治小便不通膀胱有熱

朴硝為末每服二錢煎茴香湯調下

東垣導氣除燥湯 小便不通乃血濕致氣不通而竅

澀

知母

洗酒

澤瀉

各三分

黃柏

四錢

滑石

炒

茯苓

各二錢

水

煎不拘時服

小便不通腹下狀如覆碗痛悶難忍者乃腸胃乾涸膈中氣不下則便不化啟玄子謂胞器若得氣海之氣施化則洩便下氣海之氣不及則隱秘不通故不得便利也先用木香沈香各三錢酒調下令氣通達便自通利

又方 煎陳皮茯苓湯調木香沈香末服之

上二方正綱目所謂氣鬱于下微者香以散之是也

丹溪治氣鬱於下甚者以吐法提之

血鬱於下小便不利微者輕劑行之如蒲灰散滑石白魚散茯苓戎鹽湯皆主之

仲景蒲灰散

蒲黃粉

分七

滑石

分三

為細末白湯調一日三服

滑石白魚散

滑石 乳髮灰

白魚

各二分乃衣魚也

為末米飲服五分一日三服

羅太無髮灰散

治臍下急滿小便不通

髮灰

錢二

米醋二合調服

一法與葵子等分為末

米飲服二錢訖即炒黑豆葉蓋其上即通

右滑石能逐汚血蒲黃髮灰能消汚血丹溪謂髮

髮補陰之功甚捷

血鬱于下小便不利甚者峻劑破之

本事桃仁煎治婦人積血小便不通臍腹脹痛不可忍
衆醫欲作淋治如八正散之類數種皆治不效診之
乃知血瘕也非瞑眩藥不可去予用此藥得愈 桃

仁 大黃

朴硝

各一兩

蜜蟲

半兩炒黑

四味為末先以醇

醋二升半銀石器內慢火煎取一升五合下大黃
桃仁蜜蟲等不住手攪良久出丸如梧子大前一
日不晚食五更初溫酒吞下五丸至日午腹大痛
不可忍卧少頃下血塊如拳者數枚小便如黑豆

汁或如雞肝蝦蟇衣狀其痛止此藥極峻氣虛血弱者不可輕用凡用宜少服之漸加可也如見鮮血即止藥續以補藥調理此方出千金方

倒換散 治癰閉大小便不通小腹急痛肛門腫痛

大黃

小便不通減半

荊芥穗

大便不通減半

為末每服二錢溫水調下

朴硝牛膝湯 治小便不通或血淋

杜牛膝

二兩

以雪水二碗煎至一碗調朴硝一兩空

心服立通

雜方

治小便閉 用大田螺生去殼搗細封臍上即通

治傷寒後小便不通

生薑八九塊杵碎水十餘碗麻布五六尺同煎數沸
用桶盛候可通手以布頻熨小腹良久恰用紅豆末

錢一江茶

錢二

井花水調服神效小便如注

本事方 治小便難小腹脹急不速治即死

葱白一斤細切炒令熱以帕子裹分作兩處更替熨

臍下即通

聖通方

治小便難腹滿悶不急療即死

秦朮

一兩
去蘆

以水一大碗煎七分食分二服服之瘥

濟世方

治小便不通

杏仁

二十
一枚

研碎水調分作二服效

千金方

治婦人卒不得小便用紫苑末以井水調服

三撮便通如小便血五撮立止

灸小便淋澀法

炒鹽不拘多少熱填滿病人臍中是神闕穴也却用
筋頭大艾炷灸七壯良驗或灸三陰交穴

又法 治小水秘澀

猪膽連汁籠套玉莖少刻汁入即通

婦人用藥末貯袋子安入玉戶中必通

玄珠經云陰陽關格前後不通利小水自行中有轉脫
之症諸藥不效無救則脹滿悶亂而死曾以甘遂末

水調敷臍上內以甘草節湯飲之藥汁至臍二藥相反而胞自轉小水來如湧泉此救急良方

一法 治小便不通諸藥無效或轉胞至死

用猪尿胞一箇底頭出箇小竅用翎筒通過放在竅內根底細線繫定翎筒口子細杖子堵定上用黃蠟封尿胞口頭吹滿氣七分繫定了再用手捻定翎筒根頭放了黃蠟堵塞其翎筒放在小便頭放開翎筒根頭手其氣透入裏自然小便下神效

瓜蒌散 治腹脹小便不通

瓜蒌仁 不拘多少為末每服三錢溫酒調下如不能食酒米飲下以通為度

葵子散 治小便不通

黃蜀葵子 赤茯苓

各三錢

水煎服

雞蘇散 治小便不通

雞蘇

握一

生地

通草

各四兩

滑石

石葦

炒去毛各一兩

冬葵

子

半一兩

以水六碗煎至三碗分三服空心進一服約

人行五里路又進一服

一方加榆莢黃芩車前子

治小便不通垂死者

玄明粉

一兩淡竹葉

三十片

燈心

五分

煎湯徐徐調下即通

治老人虛人小便不通 亦治心痛

琥珀為末人參湯調下妙

王海藏云脬轉小便不通非膀胱小腸厥陰之氣也蓋因強力房事或過忍小便以致此疾非可利之藥所

能利之法當治氣宜以沈香湯主之

沉香

木香

各三錢

為細末煎陳皮茯苓湯空心食前調服

癰門

生生子曰癰罷也下元罷憊而氣餒弱不能施化故小便淋瀝點滴而下是又稱為淋也

陳無擇曰淋古謂之癰名稱不同也癰者罷也淋者滴也古方皆云腎氣鬱致小腸膀胱不利復有冷淋濕

淋熱淋等屬外所因既言心腎氣鬱與驚思恐憂即
內所因况飲啖冷熱房失勞役及乘急忍溺多致此
病豈非不內外因也大率有五曰冷曰熱曰膏曰血
曰石五種不同皆以氣為本

嚴氏曰五淋氣石血膏勞是也氣淋為病小便澀常有
餘瀝石淋莖中痛尿不得卒出膏淋尿似膏出勞淋
勞倦即發痛引氣衝血淋遇熱即發甚則溺血候其
鼻頭色黃者小便難也大抵此症多由心腎不交積

蘊熱毒或酒後房勞服食熱燥七情鬱結所致癰閉
淋閉為病皆一類也

張子和曰世人多為服金石燥熱之劑得之常見農家
有此症豈是服金石之人也大抵是膀胱蓄熱而成
此疾如湯瓶久在火中煮瓶底白碱而不能去沙石
淋之症與此理同 劉宗厚曰此譬極當內經云小
腹熱洩出白液亦甚似之也

東垣曰凡小便癰閉閉是無陰而陽氣不化也凡利小

便之藥皆淡味滲泄為陽止是氣藥陽中之陰非北方寒水陰中之陰所化者也此乃奉養太過膏粱積熱損北方之陰腎水不足膀胱腎之室久而乾涸小便不化火又逆上而為嘔噦非膈上所生也獨為關非格病也潔古云熱在下焦填塞不便是治關格之法因治王善夫病小便不通漸成中滿腹大堅硬如石壅塞之極腿脚腫脹破裂出黃水雙睛突出晝夜不得眠飲食不下苦痛不可名狀求予治之因問受

病之始知病不渴近苦嘔噦衆醫皆用治中滿利小便
便滲淡之藥急難措手乃辭歸從夜至旦耿耿不寐
窮究其理記素問有云無陽則陰無以生無陰則陽
無以化此病小便癰閉是無陰則陽無以化也今病
者內關外格之症悉具死在旦夕但治下焦可愈隨
處以北方寒水所化大苦寒之氣味俱陰者黃柏知
母為君桂為引名曰滋腎丸沸湯下二百丸少頃前
陰如刀刺火燒之痛溺出如湧泉卧具皆濕床下成

流顧盼之間腫脹消散予驚喜曰大哉聖人之言豈可不遍覽而執一者也其症小便閉塞而不渴時見煩燥者是也凡諸病在下焦皆不渴也

千金方 治小便淋痛以杜牛膝酒煮服

肘後方 以杜牛膝根莖葉酒煮服治小便不利莖中痛欲死及治婦人血結堅痛如神蓋牛膝治淋之聖藥也但虛人當用補藥監治之耳

仲景云淋家不可發汗發汗則便血

寶鑑曰痺論云胞痺者小腹膀胱按之內痛若沃以湯
澀於小便上為清涕夫膀胱為州都之官津液藏焉
氣化則能出焉令風寒濕邪客於胞中則氣不能化
出故胞滿而水道不通其症小腹膀胱按之內痛若
沃以湯澀於小便以足太陽經其直行者上交額下
入絡腦氣下灌於鼻竅則為清涕也

劉宗厚曰按此則知淋閉有寒熱之殊大抵人之所稟
虛實受病不同宜參脈理分治

方古庵曰淋症其感不一或因勞房厚味醇酒忿怒所致夫房勞者陰虛火動也忿怒者氣動生火也醇酒厚味者釀成濕熱也積熱既久熱結下焦所以小便淋瀝欲去不去不去又来而痛不可忍者初則熱淋血淋久則煎熬水液稠濁如膏如沙如石也諸方中類多散熱利小便而于開鬱行氣破血滋陰蓋少焉若夫散熱利小便只能治熱淋血淋而已其膏淋沙淋石淋三者必須開鬱行氣破血滋陰方可也古方用

鬱金琥珀開鬱藥也用青皮木香行氣藥也用蒲黃
牛膝破血藥也用黃栢地黃滋陰藥也東垣用藥凡
例小腹痛用青皮黃栢夫青皮疎肝黃栢滋腎緣小
腹小便乃肝腎之部位也學者不可不知

治熱之劑

火府丹 治心經熱小便澀及治五淋臍下滿痛

生地 木通 黃芩 甘草

煉蜜杵丸梧子大每二十九木通煎湯下

導赤散 治心蘊虛熱小便赤澀或成淋痛

生地 甘草 木通 加竹葉水煎服

車前子散 治諸淋小便痛不可忍

車前子

錢五

淡竹葉

赤茯苓

燈草

荊芥穗

各二

錢 分二帖水煎服

地膚子湯

治諸病後體虛觸熱熱結下焦小便赤澀

多起少出莖痛如刺或尿血

地膚子

猪苓

知母

黃芩

海藻

通草

瞿

麥 枳實 升麻 葵子各等分 姜三片水煎服

立效散 治下焦結熱小便淋閉作痛有時尿血

甘草

炙三兩

瞿麥

一兩

山梔仁

炒五錢

每一兩薑三片

葱白三根燈心三十根水煎服

通草湯 治諸淋

通草 葵子 茅根 蒲黃 當歸 王不留行

桃膠 瞿麥 滑石

各一兩

甘草

五錢

每一兩薑五片水煎服

石葦散 治膀胱有熱淋瀝不去臍腹急痛蓄作有時

勞役即發或尿如豆汁或出沙石並治

芍藥 白朮 滑石 葵子 木通 瞿麥 當

歸 甘草 王不留行 石葦

各一兩 去毛二兩

為末每服二錢空心小麥湯調下

五淋散 腎氣不足膀胱有熱水道不通淋瀝不出或

如膏如沙如石如豆汁並治之

赤芍藥 山梔仁 當歸 甘草 條芩

各十兩

生各五兩

三兩

赤茯苓

六兩

每服七八錢水煎

八正散

治大人小兒心經蘊熱臟腑閉結小便赤澀

癃閉不通熱淋血淋膏淋沙淋石淋並皆治之 車

前子 瞿麥 篇蓄 滑石 甘草 山梔 大黃

麵包煨

木通

各等分

每服五七錢入燈心十莖煎至六分

食前服

又方 治諸淋

四苓散

錢二

益元散

山梔子

各一錢

燈心三十根水煎服

又方 益元散加車前子末錢一 或加阿膠錢一

石葦飲 治小便不利莖中痛

石葦

去毛

冬葵子

各二兩

瞿麥

一兩

滑石

五兩

車前子

三兩

為末每服二錢日三服熟水下

葵花湯 治小便淋澀

葵草根洗淨搗碎水煎服

又方 治沙淋

車前草搗汁半碗入蜜一兩懸井中五更取起溫服
若是沙淋石淋則以煨寒水石為末調服如治白
淋用砂糖

治淋閉莖中作痛神效方

石葦 滑石 瞿麥 萹蓄 木通 冬葵子 王

不留行 地膚草各等分 為末每服三錢白湯調下

一方 治淋及尿血立效

旱蓮草 車前草 同取汁每服半碗

一方 治淋痛及尿血

側柏葉 藕節 車前子等分

取汁調益元散三錢神効

治石淋方

杜牛膝 搗碎水五碗煎至一碗去渣入麝香少許

調服効

一方 治沙淋

石首魚腦骨

五對
火煨

滑石錢五

為末分二服煎水通湯

調下連服數劑看沙盡止藥

海金沙散

治膏淋

海金沙

滑石末

各一兩

甘草

二錢半

為末每二錢麥冬湯調服燈心湯亦可

一方加木通瞿麥穗通草杏仁

鹿角霜丸

治同上

鹿角霜

白茯苓

秋石

各等分

為末麵糊丸梧子大每五十丸米湯送下

大海金沙散 治小便淋瀝及下焦濕熱氣不施化成

五種淋疾癰閉不通

海金砂研 木通 瞿麥穗 滑石 通草各半兩 杏

仁去皮尖 每五錢入燈心二十根水煎服

牛膝膏 治死血作淋

牛膝四兩去蘆 桃仁一兩去皮尖炒 當歸尾二兩酒洗 赤芍藥一兩

半生地一兩半酒洗 川芎五錢

用水以炭火慢熬至二鍾入麝少許分作四服空

心服如夏月用涼水換此膏不壞

滋陰降火湯 治火燥血少氣不得降而淋

當歸

黃栢

鹽水炒各一錢半

知母

牛膝

生地

各一錢

白

芍

一錢二分

甘草稍

木通

各八分

水煎食前服

靈苑透膈散 治五種淋疾氣淋熱淋勞淋石淋及小

便不通至甚者

硝石

一兩雪白者為末

每服二錢各依湯

使服 如勞倦虛損小便不出小腹急痛葵子煎

湯下通後更須服補虛丸藥 如血淋小便不出

時下血疼痛並用冷水調下 如氣淋小腹滿急
尿後常有餘瀝水通煎湯下 如石淋莖內痛尿
不能出內引小腹膨脹急痛尿下砂石令人悶絕
將藥末先入銚子內隔紙炒至紙焦為度再研令
細溫水調下 如小便不通小麥湯下 卒患諸
淋並以冷水調下 以上並空心先調藥消散如
水即服之更以湯使送下凡服藥未效者服此立
愈

靈苑方 治卒患諸淋遺溺不止小便赤澀疼痛 三

葉酸漿草取嫩者搗汁一合酒一合攪勻空心服之

立通 酸漿草即布谷飯

一方 治血石淋

楊樹蛙屑烏梅一大棗三水煎服

羅太無石燕丸 治石淋多因憂鬱氣注下焦將所食

鹹物結成砂石小便礫痛不可忍必俟砂石出而後

小便通 石燕

燒赤水中淬三次研水飛過

滑石 石葦去毛瞿麥

穗

各一兩

為末糊丸梧子大煎燈心瞿麥湯吞下十九

一日三服

葛粉丸

治男女淋病疼痛效速勿輕忽之

沙糖

本草云治心
肺大腸熱

葛粉

和丸梧子大井花水化開

一二九

斗門方

治五淋

苧麻根兩莖打碎水煎頓服大妙 丹溪云苧根補

陰行滯血

治石淋方

螻蛄

一枚

鹽

二兩

用於新瓦上鋪蓋焙乾

研末溫酒調下一錢七服下即愈

白薇散

治熱淋血淋

白薇

芍藥

等分

為末每服二錢溫酒調下立效或

加檳榔

一方

治血淋諸熱淋

山茵陳

淡竹葉

木通

山梔

滑石

甘草

猪苓

瞿麥

每服五七錢加燈心煎服

大便秘

加大黃

二神散 治諸淋急痛

海金沙

七錢半

滑石

五錢

為末每服二錢木通麥冬車

前草煎湯入蜜少許調下

治淋閉便濁神方

五爪龍藤連根

一兩

土茯苓

杜牛膝根

各八兩

共用酒三碗煎至一碗空心服三服全愈

又治下疳如神五帖後疳愈再不發他瘡毒

腎瀝湯 治胞痺小便不利小腹急

麥冬 木通 桔梗 桑白皮 杜仲炒 犀角屑

五加皮

錢各一

赤芍

分五

水二鍾加羊腎一枚切碎煎

至八分入竹瀝少許食前服

濟生木通散 小便不通小腹痛不可忍

木通

滑石

各一兩

黑丑

頭末五錢

每服五錢燈心十莖葱白一莖水煎服

治氣開鬱之劑

芍藥檳榔散

治五淋

赤芍藥

一兩

檳榔

一枚麵包煨

為末每服一錢匕空心白湯調下

丹溪生氣藥

砂仁

三錢

海金沙

紅麴

檀香

各二錢

白荳仁

木

香

丁香

各一錢

分五帖研桃仁十四枚入生氣藥

治諸般沙石淋

琥珀

二錢

研細末空心用葱白頭煎濃湯調下無問

諸般淋疾一二服神效本草云琥珀消汚血極驗

通秘散 治血淋痛不可忍

陳皮 香附 赤茯苓等分 水煎服

沈香散 治氣淋疼此多因五內鬱結氣不舒行陰滯於陽而致壅滯小腹脹滿便溺不通

沈香 石韋 滑石 當歸 王不留行各五錢 葵子

芍藥各七錢半 甘草 陳皮 木香 青皮各二錢半

右為末每服三錢煎大麥湯下

治卒淋急痛方

益元散

二錢

茴香

一錢微炒黃

木香

檳榔

各二分半

右為末水調服

琥珀散

治五淋沙石淋

滑石

琥珀

各一兩

木通

當歸

木香

鬱金

篇

蓄

各五錢

為末每五錢以蘆葦葉煎湯調服

如無蘆葦葉以竹葉煎湯送下

一方 治同上

石燕子

七枚搗如
黍米大

新桑白皮

三兩剉
同拌勻

二味分作七帖用水煎一日三服

治肝經氣滯蘊熱小便淋痛方

甘草梢子

五錢

青皮

黃栢

澤瀉

各一錢

水煎服效

補氣血之劑

丹溪治朱郎小便淋痛脈大右瀉此為勞傷經血勿作

淋治可補血行肝經滯血自愈

生地 當歸 赤芍錢各一 川芎 條芩 甘草稍三

分陳皮 木通各五 黃柏炒二 紅花一分 杜牛膝錢一

右以桃仁泥研滑石同煎待淋病退減桃仁滑石杜

牛膝木通入川牛膝代木通分兩倍之

氣虛者八物湯加杜牛膝黃芩煎服

老人氣虛亦能淋參朮中加木通山梔

治勞苦傷血脈沉而大下焦蘊結而淋

人參 歸尾 白芍 香附錢各五 條芩錢三 木通錢三 山

梔仁

炒三錢半

黃芪

甘草梢

生各五分

分四帖煎杜牛膝湯煎服

茯苓琥珀湯

小便澀莖中痛不可忍相引脇下痛

川棟子

去核炒

甘草

生各一錢

人參

五分

茯苓

四錢

琥珀

當

歸梢 澤瀉

柴胡

各三分

玄胡索

七分

水煎服數服

效

六味地黃丸

治久淋陰虛者

清心蓮子飲

治上盛下虛心火炎上口舌咽乾煩渴

微熱小便赤澀或欲成淋並治之

黃芪

蜜炙

石蓮肉

赤茯苓

人參

各七錢半

甘草

炙

車

前子

地骨皮

麥門冬

黃芩

各五分

每服七八錢水煎溫服

發熱加薄荷柴胡

治氣虛脾虛消渴淋濁

人參

滑石

各一錢

白朮

半錢

赤茯苓

澤瀉

各七分

麥

門冬

甘草

各五分

竹葉

三十片

加燈心二十根水煎服

治寒之劑

千金茯苓丸 治胞痺小便內痛

赤茯苓 防風 細辛 白朮 澤瀉 各五錢 紫苑

天花粉 牛膝 黃芪 芍藥 甘草 炙各三錢 山藥

山茱萸肉 獨活 半夏 各一錢 附子 炮 官桂 各二錢

煉蜜九 梧子大 每服五六十丸 空心溫酒下

腎著湯 治胞痺小便不通

赤茯苓 白朮 各四兩 甘草 炙三兩 乾薑 炮一兩

每服五七錢水煎一日三服

已戟九 治胞痺臍腹痛小便不利

已戟

去心一兩半

桑螵蛸麩炒

遠志去心

生地黃

山藥

附子

炮肉苁容

酒浸續斷各一兩

杜仲炒

鹿茸酥炙

石斛

兔絲

子五味子

山茱萸

官桂

龍骨

各三錢

煉蜜

九梧子大空心溫酒下三十丸

三因生附散 治淋而脈沉微小便秘澀數起不通竅

中痛 瞿麥 木通 半夏

各一兩半

滑石

五錢

附子

五錢

每二錢生薑三片燈心二十莖蜜半匙水煎食前服

淋閉餘論

生生子曰淋閉一證玉機微義闡述詳盡極當檢閱如劉河澗之熱羅知悌之寒張潔古分在氣在血之異嚴用和之五淋陳無擇之三因朱彥修之痰積死血劉宗厚之腎虛火熾述素問靈樞脈經之要旨門分類析甚便後學惟婦人治法尚畧顧今時婦人患此

頗多鮮獲奇效緣由未得其真括也考之經曰肝主小便淋洩嬪人經未絕年皆厥陰肝經用事肝主謀慮者也婦人之性多於偏鄙鬱而不決氣道因澀鬱久成火凝滯濁液漸結成粒名曰砂石淋是也今之治淋者動手輒用五苓八正之類皆淡滲利竅之劑于病未嘗遠也而底績不樹何耶殊不知淡滲皆在天之陽也但能利肺氣是氣降而水利矣非治有形之陰病也腎乃肺之子也淡滲過劑腎氣奪矣陰血

日虧鬱火日熾經曰無陽則陰無以化無陰則陽無以生淡滲皆泄氣而損血者血損則竅愈澀澀則病劇治當開鬱火養陰血無之以導氣之藥經曰壯者氣行則愈陰血旺氣道滑病自瘳矣正如河涸舟粘縱用力多未若決水之為易也學者其可忽諸

丹溪牛膝膏加鬱金以開鬱山梔以降火生地以補陰琥珀以導氣利竅則愈矣

遺溺門

生生子曰按遺溺遺失也睡夢中遺失醒而後覺童稚多有此大人少有也夫童稚陽氣尚微不甚約束好動而魂遊故夜多遺失也古方多用煖藥乃溫養陽氣之意經謂虛則遺溺又曰不約為遺溺從可知矣曾見數人二三十歲仍遺失不止後皆無子得非下元虛寒所致與

東垣曰小便遺失者肺金虛也宜安卧養氣禁勞役以黃芪人參之類補之不愈當責有熱加黃柏生地又

曰立夏前候用白虎湯過多致遺溺者宜溫藥升陽以解之

甲乙經云肺脈不足以息卒遺失無度

原病式云遺尿不禁者是熱甚客于腎部干於足厥陰之經廷孔鬱結極甚而氣不能宣通則痿痺而神無所用故液滲入膀胱而旋溺遺失不能收禁也

丹溪嘗治一男子遺溺不覺脈洪大盛以黃栢知母杜牛膝為君青皮甘草為臣木香為佐桂些小為反佐

服數帖大效此法與千金翼白薇散皆治熱甚廷孔鬱結神無所用不能收禁之意也

生生子曰按劉河間丹溪千金翼方有認為熱者必以脈症相參看治庶無偏熱偏寒之弊予前論寒者以大藥而論也諸病皆有寒熱虛實多有始同終異故治法不能執一而無權也

桑螵蛸散 治遺溺

桑螵蛸酒炒為末薑湯調下二錢

雞內金散 治溺床失禁

雞胗脰一具即雞肫內黃皮并腸洗淨燒存性男用
雌女用雄研為末每二錢酒服妙

大人遺溺不知薔薇根細研酒下

雞腸草湯 治小便不禁或睡中遺出不覺

雞腸草

一兩

牡蠣粉

三錢

龍骨

麥冬

白茯苓

桑

螵蛸

各五錢

每服三錢棗一枚

去核煎服

一方 治同上

補骨脂炒為末黃柏煎湯調下

又方 治同上

桂皮末 雄雞肝 等分搗丸如小豆大溫水下

治小兒夢中遺尿

薏苡仁一合去心不去殼敲碎入鹽一小撮同炒黃
色水煎空心服之效

縮泉丸 治小兒遺尿脬氣不足小便頻多

烏藥

益智仁

去壳鹽
水泡

等分為末酒煮山藥糊為

九空心鹽湯下二錢

又方 治同上

烏藥

益智仁

各五錢

桑螵蛸

一兩

為末空心鹽湯調下二錢効

治遺尿方

白茯苓

牡蠣

醋煨

桑螵蛸

各五錢

龍骨

桂

各三錢

為末以雞腸一具燒存性為末和勻空心白湯調

下一錢

禁方 治遺溺

阿膠

炒

牡蠣

煨

鹿茸

酒

桑螵蛸

酒

各等分為末

粳米為丸梧子大每五十九空心酒下

治遺溺淋瀝

桑螵蛸

焦

龍骨

等

為末每二錢空心鹽湯下

千金翼白薇散

治尿出不知時

白薇

白芍藥

等

為末溫酒下方寸七日三服

濟世方神芎導水丸

治遺尿有實熱者每百丸空心

白湯下若一服得大便利止後服

此謂淫氣遺溺痺聚在腎痺謂氣不宣通也

雞腸散 腎與膀胱虛冷不能約制故遺尿失禁或睡

自出 肉桂 龍骨

各一錢半

白茯苓 桑螵蛸 牡蠣

粉

各三錢

雞腸

具一

分二帖水煎薑三片棗二枚空心溫服

小便不禁

生生子曰不禁謂無禁約小便多而頻不計遍數按經

云水泉不止者是膀胱不藏也有濕熱有下元虛憊數而少為熱數而多為虛老人多有此蓋陽氣衰微不能約束歷見數人卒皆不救由其不能攝養而神氣耗散故也古人有謂不通為熱不禁為寒乃心腎氣弱陽道衰冷而傳化失度法當溫補溫存以養其神藥石以堅其腎神完腎固膀胱氣充自可約束然必調治及早庶或十全三五

王節齋曰小便不禁或頻數古方多以為寒而用溫澀

之藥殊不知屬熱者多蓋膀胱火邪妄動水不得寧故不能禁而頻數來也故年老人多類此是膀胱血少陽火偏旺也治法當補膀胱陰血瀉火邪為主而佐以收澀之劑如牡蠣山茱萸五味子之類不可用溫藥也病本屬熱故宜瀉火因水不足故火動而致小便多小便既多水益虛矣故宜補血瀉火治其本也收之澀之治其標也

按此乃本之于原病式熱鬱廷孔之說也

生生子曰按節齋此論亦是以大槩言也老人下元虛
憊氣弱不能乘載其水膀胱停濕浸淫皮薄不能收
持故頻數不禁必如河間節齋所云然則癃閉已主
于熱矣而不禁又主于熱是無虛寒之症也何古方
有溫補之法經有寒虛之文耶不若以小便頻而清
白長者為虛寒頻而少黃赤澀者為熱及脈洪數有
力無力或滑或澹參驗之始無差悞凡熱天小便少
寒月小便多寒熱之理亦易見爾

大便秘結而小便頻多屬脾約症以脾約丸治之

茯苓丸 心腎俱虛神志不守小便淋瀝不禁

赤茯苓 白茯苓 等分為末新汲水按洗澄去新

沫控乾別取熟地黃汁與好酒同于銀石器內熬

成膏為丸彈子大空心鹽酒嚼下一丸

二氣丹 治內虛裏寒膀胱積冷陽氣漸微小便不禁

硫黃

肉桂

各二錢半乾薑炮

硃砂

為衣各二錢

附子

一枚大者炮去

皮臍為末五錢

右糊丸梧子大每五十丸鹽湯下

薑附赤石脂丸

小便數而不禁怔忡多忘夢魘不已

附子

生乾薑各五錢

赤石脂

一兩半飛

硃砂

伏火者一兩

酒糊

九菴豆大每十五丸至三十丸

大便有病米飲下 小便不禁茯苓湯下

王海藏云此方妙在硃砂伏火上

論載玉機微義甚詳

御藥院秘元丹 治內虛裏寒自汗時出小便不禁

白龍骨

三兩

訶子

十枚

砂仁

靈砂

各一兩

右粳米糊為丸梧子大每五十丸空心鹽湯下

兔絲子九 治小便多或致失禁

兔絲子

肉蓯蓉

酒浸各二兩

牡蠣

附子

五味子

鹿茸

酒炙各一兩

雞胗

炙乾

桑螵蛸

酒炙各五錢

右酒糊九 梧子大每七十九 空心鹽湯溫酒下

三因家韭子九 下元虛冷小便不禁或成白濁

家韭子

炒六兩

鹿茸

酒炙四兩

肉蓯蓉

酒浸

牛膝

熟地黄

當歸

各二兩

巴戟

去心

兔絲子

酒浸各一兩半

杜仲

石斛

桂

心 官薑

炮各一兩

酒糊九 梧子大每百九 空心鹽湯

酒任下

桑螵蛸散

治小便頻數或如米泔稠濁

桑螵蛸

鹽水炙

遠志

石菖蒲

鹽炙

龍骨

人參

茯苓

神當歸

鱉甲

醋炙各等分

為末每二錢臨卧人參湯

調服 一方用龜甲

五子丸

治小便頻數時有白濁

兔絲子

酒蒸

家韭子

炒

益智

茴香

炒

蛇床子

去皮炒各

等分 酒糊為丸梧子大每七十九米飲鹽湯任下

丹溪鹿茸丸 治久虛冷小便白濁滑數不禁

鹿茸

川椒

去子取頭末

桂心

附子

牡蠣

石斛

沉香

補骨脂

肉蓯蓉

雞胫胫

各一兩

桑螵蛸

三分

右酒糊為丸梧子大食前酒下三十九

入方

治汚血淋瀝

鹿角屑炒黃為末溫酒下二錢妙

本草云鹿角逐陰中邪氣惡血

水芝丸

治下焦真氣虛弱小便頻多日夜無度

蓮子

去皮

先以好酒浸一二宿用猪肚一具入蓮子

在內水煮熟取出蓮子切片曬乾為末醋糊丸如雞頭子大每五十丸溫酒送下

一方 治稟賦虛弱小便頻數不禁

五味子

四兩

肉蓯蓉

半斤

熟地

六兩

兔絲子

酒煮炒

乾二兩

右酒煮山藥糊為丸梧子大每五十丸空心鹽

湯或酒送下

草薢丸

治小便頻數

川草薢 不拘多少為末酒糊丸如梧子大每五十

九空心鹽湯送下

一方 治夜多小便老人虛人多有此症

白芷

一兩

粳米

五錢炒
褐色

右粳米糊九梧子大饅頭煎湯空心下七十丸

玄兔丹 治小便多

兔絲子

酒浸焙
末十兩

五味子

酒浸研
末七兩

白茯苓

三兩

蓮肉

三兩

為末乾山藥末六兩將所浸酒餘者添酒煮糊為丸搗千杵九梧子大每五七十九空心米飲下

小兔絲丸

治腎氣虛損目眩耳鳴四肢倦怠夜夢遺精

石蓮子肉

二兩

兔絲子

酒浸研
五兩

白茯苓

一兩
五錢

山藥

二兩
五錢

打糊丸梧子大每五七十丸空心溫酒或鹽湯送下

一方 生山藥半斤刮去片先用酒熬沸入山藥不得

攪動待熟加鹽葱白更添酒空腹下二三盞妙

益智散 治小便多

益智

三十
四枚

為末水一碗煎八分入鹽五分臨卧溫服

本事方衛真湯 治丈夫婦人元氣衰憊榮衛怯弱真

陰不固三焦不和上盛下虛夜夢鬼交覺來盜汗面
色精彩唇舌燥耳內蟬鳴腰痛背倦心氣虛乏精
神不寧驚悸健忘飲食無味日漸瘦瘵外腎濕痒夜
多小便腫重冷痛牽引小腹足膝緩弱行步艱難婦
人血海久冷經候不調或過期不至或一月兩來赤
白帶下漏分五色子宮感寒久不成孕並皆治之
此藥大能生氣血過夜半子時腎水旺極之時補腎實臟
男子攝血化精諸病未萌之前皆能制治使不復為梗

川歸

酒浸一夜

丁香

青皮

去白各一兩

熟地

茯苓

木香

肉蓯

山藥

各三兩

生地

川牛膝

各二兩

童便煮

各半盞浸一夜

人

參

一兩半

石斛

五兩

為末每三大盞酒調下鹽湯亦得

空心食前服婦人諸病童便同酒調空心服

辰砂妙香散 方在婦人門

溺赤

諸病水液渾濁皆屬于熱小便黃者少腹中有熱也

治小便黃無如黃栢知母效

脈經云足脛逆冷小便赤宜服附子四逆湯

綱目載小便黃有四

一屬肝熱經云肝熱病者小便先黃是也

二屬胃濕經云胃足陽明之脈氣盛則身已前皆熱其有餘于胃則消穀善飢溺色黃者是也

三屬肺虛經云肺手太陰之脈氣虛則肩背痛寒少氣不足以息溺色變故耳

四屬腎虛經云冬脈者腎脈也冬脈不及則令人眇清

脊痛小便變是也

脫肛門

附截腸病

生生子曰脫肛之症多由腸內有積而清氣不升如痢疾裏急後重而下脫也治當從滯下門先推去積滯然後升補積滯去而清氣自升不復脫下其或因下血及痢疾後脫而不收者為虛升補之藥看氣血孰重脫久當以澀劑收之腸胃有風脫而下血者以風藥舉之脫久亦有虛寒當溫藥微洗內服大補之劑

丹溪曰有氣虛氣熱血虛血熱

氣熱者條芩六兩升麻一兩為末麵糊為丸服之

其症肛脫紅腫者是也

氣虛者參耆芎歸升麻或加白朮訶子有熱加條芩
其症多于勞倦房慾而發者是也

血熱者四物湯加炒黃柏 其症多于好酒及辛辣
之物而發及便血也

血虛者用四物湯加升麻荊芥 其症下血過多面

色痿黃者是也

下痢脫肛

痢門參治

截腸病 其症大腸頭出痛苦乾又落落又出腸盡則死初出寸餘時治之以芝麻油一盞以臀坐之飲火麻子汁數升愈

脫肛之症前人以為肺氣虛寒蓋肺與大腸為表裏肺臟蘊熱則閉結虛寒則脫婦人有此疾者多由產育用力過多小兒有此疾皆因久痢大腸虛冷所為也

有腸頭作痒者此係腸中有蟲

黃桂峰云親見一人裏急後重肛脫紅腫百藥皆試乃有蟲在肛故也

濟世方 治男女脫肛用五倍子小便濃煎洗之

聖惠方 治脫肛不收蝸牛燒灰猪脂調敷之

砂仁湯 治大腸虛脫肛挾熱紅腫者

砂仁 黃連 木賊等分 為末每服二錢米飲下

文蛤散 大腸虛寒肛門脫出不收或用力太過及小

兒叫呼久痢後重者

五倍子為末水煎汁浸洗更入白礬蛇床子尤佳後
用赤石脂為末少許摻在芭蕉葉上頻用托入或有
脫出尺許者亦用此湯溫浸頻換藥水以縮為度

倍榆散 治小兒脫肛

五倍子 地榆等分為末每五分或一錢米飲調下

治老人脫肛

防風 蘆 蒼朮 黃栢 五倍子 煎湯薰洗內服

清涼大腸之藥而愈

治脫肛下血

韭菜一大握搗碎瓦礫煎熟再用生韭菜汁冲在湯內將肛門坐在瓶口薰一二次神效

槐角丸 五種腸風下血痔漏脫肛並治

槐角

三兩

地榆

黃芩

當歸

防風

枳殼

麩炒各二兩

右酒糊丸梧子大每七十九空心米飲下

涼血清腸散

生地 當歸 芍藥 防風 升麻 荊芥 各一錢 二分

錢 黃芩 炒 黃連 香附 炒 川芎 各八分 甘草 五分

水煎服

三因方香荊散 大人小兒肛門脫出並治

香附 荊芥穗 各等分 一方加砂仁

右為末每服三匙水一大碗煎數沸乘熱洗

秦朮湯 腸胃濕熱及有風而脫肛不止

秦朮 去蘆 酒洗 七錢 水煎空心服服後安卧一時渣再煎

補中益氣湯 治勞倦脫肛效

一方 五倍子為末每用三錢入白礬一塊水煎洗或
以五倍末用紙襯之托上

一方 木賊燒存性為末搽肛上按入即收

二靈散 治久痢腸胃俱虛肛門脫下

龍骨

煨五錢

木賊

燒存性二錢半

為末搽上托之

治男女脫肛 五倍子荊芥小便濃煎洗之

本事方 腸風下血及脫肛不收

皂角 三莖搗碎水一碗揉令皂角消盡用絹二層
濾取清汁將肛浸在汁中自收並不待手托如大腸
收了即用湯盪其肛門上下令皂角氣行則不再作
盪三次全愈

集驗方 治脫肛歷年不愈

生鐵三斤水一斗煮取五升以汁浸洗

一方 用刀漿水洗亦效

肘後方 治腸頭脫肛出轉久不可收入

生瓜萸汁浸之猪肉汁中洗隨以手按之令煖自收
濟世方治脫肛 荊芥 龍腦 薄荷 朴硝 右煎
湯一日洗數次自入

本事方治腸風脫肛及有血

蛇床子炒為末貼肛上立收

蛻皮散 治肛門或因洞泄或因用力脫出不收

蛻皮

一枚燒存性

礞石

煨五錢

桂心

五錢

此寒而脫肛也

右為末米飲服方寸匕忌持重及房室

肘後方治女人陰脫前方加鼈頭一枚燒存性研入

黑聖散 治瀉多時脫肛疼痛

大蜘蛛一枚蓼葉重裹線扎定合于內燒存性研入

黃丹少許同研凡有上件疾即先用白礬蔥椒湯洗拭乾後搽藥以手托上

千金方 治脫肛歷年不愈

鼈頭一枚燒令烟盡為末敷上手按按之

丹溪方 治脫肛 葫荑燒烟薰之立入

海上方 諸般痔脫肛

死蛇一條如指大濕者掘地坑燒之以有孔板子蓋之坐其上以肛受烟薰之烟盡為止大效

濟世方 治肛出

皂角薰次用蜒蚰一條入蜜浸去蜒蚰將蜜調土硃敷上即入

一女子脫肛用糯米一勺濃煎飲去米洗肛溫柔先以磚一片火燒通紅用醋沃濕以青布鋪磚上坐肛于

青布上如太熱加布令厚其肛煖自收入

又方 蓮房殼荊芥枳殼槐花黃栢防風獨活煎湯洗之 或以木賊灰或又蛤末敷上立收

治肛門腫痛 木鼈子去殼取油四五枚研如泥入水盆中以滾湯泡之乘熱洗另用少許為末敷上

肛門腫痒 杏仁搗膏敷上 亦治穀道痛蝕

外臺秘要治下部蟲齧 桃葉一斛蒸之令極熱納小口器中以下部坐上受薰其蟲盡死

脈經云慙蝕陰脫其脈虛小者生緊急者死

一人脫肛裏急後重百方莫能收一僧教以取猪肚一

具刮下垢膩入花椒末拌勻塗肛上以青綿布袋兜

之

再以溫湯入捏內坐其上薰之少頃肛癰腸收袋上蟲不計其數從此再不復發

前陰諸疾

前陰所過之脈有二一曰肝脈二曰督脈經云肝足厥

陰之脈入毛中遶陰器抵小腹是肝脈所過也又云

督脈者起于小腹以下骨中央女子入繫廷孔循陰

器男子循莖中至纂與女子等是督脈所過也

陰縮陰縱

陰縮謂前陰受寒縮入腹內也陰縱謂前陰受熱挺長不收也經曰足厥陰之筋傷于寒則陰縮入傷熱縱挺不收治在行水清陰氣是也

丹溪治鮑兄年二十玉莖挺長腫而痿皮塌常潤磨股不能行兩脇氣上手足倦弱先以小柴胡加黃連大劑行其濕熱畧加黃栢降其逆上之氣其挺腫漸收

漸減及半但莖中有堅塊未消遂以青皮一味為君
佐以散風之劑末服外以絲瓜汁調五倍子末敷而
愈

平江王氏子年三十忽陰挺長腫而痛脈數而實用朴
硝荊芥湯浸洗又用三乙承氣湯大下之愈

內經曰陰縮而死者皆屬肝傷又云悲哀動中則傷魂
魂傷則狂妄不精不精則不正當陰縮而攣筋兩脇
骨不舉毛悴色夭死于秋又云厥陰終者喜溺舌卷

卯上縮是也

玉莖腫前陰腫是也其症不一有通身水氣癰脰俱腫者此屬水腫以治水之法治之其腎風抓搔成瘡以致腫者以治瘡毒之法治之有妬精蝕瘡腫毒以乾瘡之藥治之此緣妬精蘊結毒氣未散而成腫痛也有服金石秘澀之藥精氣壅遏不能宣揚或試緊爐之方取一時之快熱毒內蘊俱能為腫有血氣凝滯癰間竅道閉塞致使莖腫或由忍溺致氣結不行而

成腫凡此諸症並以燈心湯調五苓散服之以荊芥

木通煎湯淋洗

此條出鈞玄

陰痿陰汗陰冷陰臭

陰痿皆耗散過度傷於肝筋所致經云足厥陰之經其
病傷于內則不起是也

東垣陰痿陰汗陰臭論

一富者前陰間嘗聞臊臭又

因連日飲酒腹中不和求予治之予應之曰夫前陰
者足厥陰之脈絡陰器出其挺末臭者心之所主散

入於五方為臭入肝為臊臭此其一也當于肝中瀉
行間是治其本後于心經瀉少冲以治其標如惡針
常用藥除之治法當求其本連日飲酒夫酒者氣味
俱能生濕熱是風濕熱合于下焦為邪故經曰下焦
如瀆又云在下引而竭之酒者是濕熱之水亦宜決
前陰以去之是合下焦二法治之龍膽瀉肝湯是也
龍膽瀉肝湯 治陰部時復濕痒有臊臭

柴胡梢 澤瀉錢各一 車前子 木通各五 當歸尾

龍膽草

生地黄

各三分

水煎空心飢時熱服便以美

膳壓之柴胡入肝為引用澤瀉木通車前子皆淡
滲之味利小便亦除臊臭是名在下者引而竭之
生地黄龍膽草之苦寒瀉酒濕熱更無車前子之
類以徹肝中邪氣肝主血用當歸以滋肝中血不
足也

固真湯

治兩九冷前陰痿弱陰汗如水小便後有餘

瀝臊氣尻臀并前陰冷惡寒而喜熱膝亦冷 升麻

柴胡

羌活

錢各一

甘草

炙

澤瀉

錢各一

黃柏

知母

炒

龍膽草

炒各二錢

水煎空心服以美膳壓之

溫腎湯

面色痿黃身黃脚軟陰汗陰莖有天色

麻黃

分六

防風根

蒼朮

錢各一

白朮

猪苓

白茯苓

升麻

黃柏

酒炒各一錢

澤瀉

錢二

柴胡梢

分六

水煎食前

服之候一時辰許方食

補肝湯

前陰如冰冷并冷汗兩脚痿弱無力

黃芪

七分人參

葛根

各三分

甘草

炙

蒼朮

各五分

升麻

猪苓

各四分 知母 柴胡 羌活 當歸身 陳皮 黃栢

炒 防風 白茯苓 澤瀉 神麴 連翹 各二分 水煎

食前熱服忌酒麵

清震湯 治溺黃臊臭淋瀝兩丸如水陰汗浸兩股陰

頭亦冷正值十二月天寒凜冽寒之極矣 澤瀉

升麻 蒼朮 黃芩 各五分 柴胡 當歸身 甘草 各

二分 羌活 黃栢 酒炒 各一錢 防風 麻黃根 藁本 猪

苓 各三分 紅花 一分 水煎服忌酒麵

柴胡勝濕湯

兩外腎冷兩髀樞陰汗前陰痿弱陰囊

濕痺臊氣

柴胡

甘草

生各三錢

升麻

羌活

澤瀉

各一錢半 當歸

麻黃

龍膽草

漢防己

各一錢

黃柏

酒炒

二錢 五味子

二十粒

紅花

少許

白茯苓

一錢

水煎熱服忌酒

麵房事

仲景八味丸

治陰痿不起今依前方夏減桂附一半

春秋減三之一

病去全減桂附

椒粉散

治前陰兩丸濕痒秋冬尤甚

麻黃一錢

狗脊

蛇床子

各五錢

斑貓

二枚

當歸梢

猪

苓

小椒

各三分

肉桂

二分

輕粉

紅花

各少許

為細

末摻上避風寒濕冷處坐卧

又方

治腎囊濕痒

先用吳茱萸湯洗過後用吳茱

萸半兩寒水石三錢黃栢二錢半樟腦蛇床子各五

錢輕粉一錢白礬三錢硫黃二錢檳榔三錢白芷三

錢為末摻之

千金方云有人陰冷漸漸冷氣入陰囊腫滿恐死日夜

痛悶不得眠取生椒擇之洗淨以布帛裹着丸囊令厚半寸須臾熱氣大通日再易之取出瘥

本事云曾有人陰冷漸次冷氣入陰囊腫滿晝夜疼悶不得眠煮大薊汁服立瘥

陰腫陰痛陰吹

婦人陰腫腎痛枳實

牛

切碎炒熟布包熨之冷即易

交接勞復陰卵痛

是勞復陰陽易

仲景云胃氣下泄陰吹而正喧此穀氣之實也膏髮煎

導之其方猪膏半斤亂髮如雞子大三枚以髮入膏中煎至髮盡分再服病自從小便中出能治諸疸症殊效

雄黃散 陰腫大如斗核痛人所不能治者

雄黃

一兩

礬

二兩

甘草

生半兩

以水五升煎洗

荊芥散 治腎腫 荊芥穗 朴硝 蘿蔔 葱同

一兩

朴硝

二兩

煎湯洗

男子陰腫大如升畢痛甚搗馬鞭草塗之

和劑三白散

治小兒膀胱蘊熱風濕相乘陰囊腫脹

大小便不利

白牽牛

一兩

桑白皮

木通

白朮

橘紅

錢各五

為末薑湯調二錢

癩風

俗名腎臟風

癩風之症起于下部虛熱或行路體倦及夏月久坐冷地為風濕所襲乃發為疾其症囊濕皮厚生水泡瘡疥作痒古方用蛇床子一味煎湯淋洗痒甚者以薑汁入香油數滴攪勻塗上自愈

沐浴長春散 治下元陰濕久冷陰囊夜痒抓之則喜

手佳則痛成瘡流水為患甚苦及治婦人下部陰濕
子胞久冷並效

牡蠣 蛇床子 破故紙 紫梢花 官桂 薄荷

葉 各等分每用一兩半入葱白數莖水煎一小鍋
先薰後洗再用津調散搽之全安

津調散 治妬精瘡膿汁淋漓臭爛

黃連 欵冬花等分 麝香少許

為末先洗過或以地骨皮蛇床子煎湯洗帛拭乾
津調敷忌生冷生湯洗一方無麝

又方 治外腎及兩腿風濕瘡

全蝎 檳榔 蛇床子 硫黃

各一錢

為末麻油調入手心擦熱吸三口用手抱囊一頃
次擦藥兩腿上

疝氣門

內經四氣刺逆從篇曰厥陰脈滑則病狐風疝少陰脈

滑則病肺風疝太陰脈滑則病脾風疝陽明脈滑則
病心風疝太陽脈滑則病腎風疝少陽脈滑則病肝
風疝又骨空篇曰任脈為病男子內結七疝女子帶
下瘕聚大奇論篇曰腎脈大急沈為腎疝肝脈大急
沈為肝疝心脈搏滑急為心疝肺脈沈搏為肺疝三
陽急為瘕三陰急為脾疝三陰脾脈也

脈經曰寸口脈弦而緊絃緊相搏則為寒疝

生生子曰內經以六經脈滑為風疝又以大急沉為五

藏疝按此六經五臟皆有疝也而以風字加之于六經之疝者何也意者無乃以風字作氣字者者耶或以巽為風則木之氣肝之所主也又成疝之地乃肝部也夫滑脈主痰飲食積是言各經之痰飲食積流傳于肝之部地乃成疝也因肝主風故以風字加之也又夫急者緊急之謂也緊急主病為寒沈亦為寒為氣大亦為氣是亦言五臟寒氣流于下部發為疝也蓋寒喜傷下腎肝俱在下而肝之絡環繞陰器故以

疝屬肝也據任脈起于胞門循腹裏與衝脈厥陰會
故男為七疝女為瘕聚也其痛極為難治而諸書所
言亦不一惟張戴人一主于肝蒐輯甚博且曰非靈
素銅人之論法皆不取要之欲窮其原耳故其歷舉
經義俞穴及七疝症圖殊為詳悉但用治諸方多是
渠生平所長之三法人或病其峻抑不知有是病用
是藥醫而不善用此是無術也則未免有過時失機
之悔顧其症積滯根固淵藪偏僻非峻劑曷能以達

第不可孟浪亂投法所當用又何畏縮在設施者消
息經權務求其當可也劉守真言此症亦有熱者丹
溪亦主于肝且又言有濕熱死血及痰積因寒鬱而
發間亦有虛者此亦深鑒前人純擬于寒而一以剛
燥為劑也今以諸賢大意述列于後以便參治

劉守真曰癰疽小腹控卵腫急絞痛也寒主拘縮故也
寒極而土化制之故腫滿也經言丈夫癰疽謂陰器
連小腹急痛也故言婦人少腹腫皆厥陰肝之脈也

經注曰寒氣聚而為疝也又按經言五臟皆主疝但
脈急也注言脈急者寒之象也然寒則脈當短小而
遲今言急者非急數而洪也由緊脈主痛急為痛甚
病寒雖急亦短小也所以有痛而脈緊急者脈為心
之所養也凡六氣為痛則心神不寧而緊急不得舒
緩故脈亦從之而見也欲知何氣為其病者適其緊
急相兼之脈而可知也如緊急洪數則為熱痛之類
也又經言脾傳之腎名曰疝瘕小腹寬熱而痛出白

蠱注言小腹痛洩出白液也一作客熱內結銷鑠肌肉如蠱之食故名白蠱也然經復言熱為疝瘕則亦不可止言為寒當以脈症推之

丹溪曰疝主肝經與腎經絕無相干疝痛之甚者罌丸連小腹急痛也或有形或無形或有聲或無聲自素問以下皆以為寒蓋經絡得寒收引不行所以作痛世有得寒而無疝者又必有說以通之可也予屢踢水徒涉不曾病此以予素無熱也因而思此病始于

濕熱在經鬱遏至久又感外寒濕熱收鬱而作痛若
只作寒論恐為未備或曰此症多客厥陰一經濕熱
之積何由而致予曰大勞則火起于筋醉飽則火起
于胃房勞則火起于腎大怒則火起于肝火鬱之久
濕氣便盛濁液凝聚并入血隧流于厥陰肝屬木性
速急火性暴為寒束宜其痛甚而暴也愚見古方以
烏頭梔子等分作湯用之其效亦速後因此方隨形
症加減無有不應又須分濕熱多寡而治之但腫多

為濕癰是也却有水氣而腫又有挾虛而發者當以參朮為君而佐以疎導診其脈沈緊而豁大者是也若不以補劑而行決裂之法禍不旋踵

許學士曰大抵此疾因虛得之不可以虛而驟補經曰邪之所湊其氣必虛留而不去其病必實故必先滌所蓄之熱然後補是以諸方多借巴豆氣者蓋謂此也

張戴人曰疝本肝經宜通勿塞疝有七前人論者甚多

非靈樞素問銅人之論余皆不取非余好異也但要
窮其原耳七疝者何寒水筋血氣狐癩是也俗工不
識目為膀胱又為腎冷又或為小腸氣小兒曰偏氣
立名既謬併喪其實何哉蓋醫者既斷為膀胱腎冷
小腸氣又曰虛寒所致其藥之用也不鹿茸巴戟則
杜仲菴蓉不附子烏頭則乾薑官桂不練實茴香則
金鈴補骨脂朝吞暮餌曾無殊效三二十年牢不可
去間因微病稍似開通執此微茫浸成大錯標既不

除本必歸甚處處相傳曾無覺者豈知諸疝皆歸肝
經其奈庸流歸之小腸膀胱夫膀胱水府專司滲泄
小腸水道專主流通腎為少陰總統二水人之小溲
自胃入小腸滲入膀胱膀胱者膀胱也氣化則水出
莖端此常道也及其為疝乃是厥陰肝經蓋環陰器
而上入小腹者足厥陰肝經也夫腎肝皆屬于下衝
任督相附然靈樞經言足厥陰肝經病則有遺溺癃
閉狐疝主腎與小腸膀胱三經則不言疝是受疝之

處乃肝之部分也且內經男子宗筋為束骨之會也而肝主筋舉者囊中之丸雖主外腎非厥陰環而引之與玉莖無由伸縮在女子則為纂戶其內外為二其一曰廷孔其二曰竅漏此足厥陰與衝任督之所會也靈樞言足厥陰之經筋聚于陰器其病傷於寒則陰縮入傷於熱則縱挺不收治在行卧清陰氣故陽明與太陰厥陰之筋皆會於陰器惟厥陰主筋故為疝者必本之厥陰靈樞又言足厥陰之別名曰蠱

溝去內踝五寸別走少陽循脛上臑結于莖其病氣
逆臑腫卒疝實則挺長虛則暴痒取之所別矣豈非
厥陰為受病之處耶靈樞又言邪在小腸連臑係屬
于腎貫肝絡肺系心氣盛厥逆上衝腸胃重肝散于
育結于臍故取之育原以散之刺太陰以平之取厥
陰以下之取巨虛下臑以去之按其所過之經以調
之此其初雖言邪在小腸至其治法必曰取厥陰以
下之乃知諸疝關于厥陰可以無疑以脈考之素問

云厥陰滑為狐風疝少陰滑為肺風疝太陰滑為脾

風疝

云

凡此六疝雖見于他脈中皆言風疝者足

厥陰肝經之氣也靈樞亦曰心脈微滑為心疝肝脈
滑甚為癰癰腎脈滑甚為癰癰凡此三臟脈之疝亦
以滑為疝也素問又云脈大急皆為疝心脈滑傳為
心疝肺脈沈傳為肺疝三陰急為疝三陽急為癰王
太僕云太陽受寒血凝為癰太陰受寒氣聚為疝此
言太陰受寒傳之肝經也可以溫藥逐之不可以溫

藥補之若補之者是欲病去而強挽留之也歷考素問三陽為病發寒熱其傳為癰疽此亦言膀胱非受病之處必傳于厥陰部分然後為疽也又言病在少腹腹痛不得大小便病名曰疽得之寒言脈急者曰疽瘕少腹痛凡言少腹者豈非厥陰之部分耶又言脾氣傳胃名曰疽瘕此謂非肝木不能為風氣名曰厥疽蓋脾土虛而不能制水又為肝木所凌也又言督脈為衝疽蓋厥陰與衝任督俱會于前陰也豈不

明哉至于運氣中又言歲太陽在泉寒淫所勝民病
少腹控臑蓋寒客于小腸膀胱則肝木縮而不得伸
行母傳之子也陽明司天燥淫所勝丈夫癩疝婦人
小腹痛此言肝氣不得上行為金所抑鬼賊故也又
言太陰在泉土勝則寒氣逆滿食飲不下甚則為疝
此亦言寒客太陰濕土土不能勝水水傳之肝經也
又嘗遍閱銅人俞穴亦相表裏如背上十三椎俞肝
經言寒疝腹部中行惟陰交一穴言寒疝任脈之所

發也關元一穴言暴疝小腸之募足三陰任脈之會也曲骨一穴言癰疝任脈足厥陰之會也其腹部第二行育俞二穴言寒疝衝脈足少陰之會也四病上穴言疝癰衝任脈足少陰腎之會也其腹部第三行大巨二穴言癰疝足陽明脈氣之所發也氣衝二穴言癰疝莖中痛兩丸寒痛亦足陽明脈氣之所發也其腹部四行府合二穴言疝痛足六陰厥陰陰維之交會也亦太陰部三陰陽明支別也衝門二穴言陰

疝足太陰厥陰之會也其在側脇者五樞二穴言寒
疝陰邪上入少腹帶脈下三寸也其在足六經者足
厥陰穴十名言疝者七謂大敦行間大衝中封蠡溝
中都曲泉足少陽穴十四名言疝者一謂邱墟穴也
足太陰穴十一名言疝者一謂陰陵泉也足陽明穴
十五名言疝者一謂陰市穴也足少陰穴十五名言
疝者五謂然谷大谿照海交信築賓也足太陽穴十
八名言疝者二謂金門合陽也由是言之惟厥陰言

疝獨多為疝之主也其各經穴雖亦治疝終非受疝之地但與足厥陰相連耳或在泉寒勝木氣攣縮禁于此經或司天燥勝木氣抑鬱于此經或忿怒悲哀憂鬱頓挫結于此經或藥淋外固閉尾縮精壅于此經其病差別如此不知世間之藥多熱補從誰而受其方也信其方則素問靈樞銅人皆非也信素問靈樞銅人則俗方亦皆非也不知後之君子以孰為是嗚呼余立于醫四十餘年使世俗之方人人可療余

莫之敢廢也諳練日久因經識病然後不惑且夫遺
溺閉癰陰痿胞痺精滑白淫皆男子之疝也不可妄
歸之腎冷血涸不日月罷腰膝上熱足暨噬乾癰閉
少腹有塊或定或移前陰突出後陰痔核皆女子之
疝也但女子不謂之疝而謂之瘕若年少而得之不
計男子婦人皆無子故隱蔽委曲之事了不干睥腎
小腸之事乃足厥陰肝經之職也奈俗方只言睥腎
小腸殊不知肝木一句惑人甚矣且肝經乙木也木

屬東方為心火之母也凡疝者非肝木邪則肝木自甚也不可便言虛而補之難經所謂東方實西方虛瀉南方補北方此言瀉火木自平金自清水自旺矣昔審言為蔡之參軍也因坐濕地疝痛不可堪諸藥莫救余急以導水丸禹功散瀉三十餘行腫立消痛立減又項關一男子病卒疝暴痛不任倒于街衢人莫能動呼余救之余引經証之邪氣客于足厥陰之絡令人卒疝故病陰丸痛也余急瀉大敦二穴大痛

立已夫大敦穴者乃是厥陰之二穴也殄寇鎮一夫
病瘡瘡發渴痛飲蜜漿劇傷水水醫者莫知瀉去其
濕反雜進薑附濕為燥熱所壅三焦閉溢水道不行
陰道不興陰囊腫墜大于升斗余先以導水百餘丸
少頃以猪腎散投之是夜瀉青赤水一斗遂失痛之
所在近穎尾一夫病卒疝赤腫大痛數日不止諸藥
如水投石余以導水一百五十九令三次咽之繼以
通經散三錢空腹淡酒調下五更下臟腑壅積之物

數行痛腫皆去不三日平復如舊內經曰木鬱則達之達謂吐也令條達肝之積本當吐者然觀其病之上下以順為貴仲景所謂上宜吐下宜瀉者此也敢列七疝圖于左以示後之君子庶幾有所憑藉者焉

寒疝其狀囊冷結硬如石陰莖不舉或控睪丸而痛得于坐卧濕地或寒月涉水或置雨雪或卧坐磚石或風冷處使內過勞宜以溫劑下之久而無子

水疝其狀腎囊腫痛陰汗時出或囊腫而狀如水晶或

囊痒而燥出黃水或少腹中按之作水聲得于飲水
酒醉使內過勞汗出而遇風寒濕之氣聚于囊中故
水多令人為卒疝宜以逐水之劑下之有漏針去水
者人多不得其法

筋疝其狀陰莖腫脹或潰或膿或痛而裏急筋縮或莖
中痛痛極則痒或挺縱不收或白如精隨洩而下得
于房失勞傷及邪術所使宜以降心之劑下之

血疝其狀如黃瓜在少腹兩傍橫骨兩端約中俗云便

癰得于重感春夏大燠勞動使內氣血流溢滲入腠
囊留而不去結成癰腫膿少血多宜以和血之劑下
之

氣疝其狀上連腎區下及陰囊或因號哭忿怒則氣鬱
之而脹怒止號罷則氣散者是也有一治法以針出
氣而愈者然針有得失宜以散氣之藥下之或小兒
亦有此疾俗曰偏氣得于父年已老或少年多病陰
痿精怯強力入房因而有子胎中病也此疝不治惟

築賓一穴言之

狐疝其狀如瓦卧則入小腹行立則出小腹入囊中狐則晝出穴而溺夜則入穴而不溺此疝出入上下往來正與狐相類也亦與氣疝大同小異今人帶鉤鈴是也宜以逐氣流經之藥下之

癰疝其狀陰囊腫絀如升如斗不痒不痛者是也得之地氣卑濕所生故江淮之間湫塘之處多感此疾宜以去濕之藥下之 女子陰戶突出雖亦此類乃熱

則不禁固也不可便謂虛寒而溫之燥之補之本名
曰瘕宜以苦下之以苦堅之王冰曰陽氣下墜陰氣
上爭上爭則寒多下墜則筋緩故畢垂縱緩因作癰
疝也已上七疝下去其病之後可調則調可補則補
各量病勢勿拘俗法經所謂陰盛而腹脹不通者癰
瘕疝也不可不下

統旨曰或問疝氣古方有以為小腸氣者有以為膀胱
氣者惟戴人丹溪專主肝經其說不同何以辨之予

曰小腸氣小腸之病膀胱氣膀胱之病疝氣肝經之病三者自是不一昔人以小腸膀胱氣為疝者誤也殊不知足厥陰之經環陰器抵小腹人之病此者發則睪丸脹痛而連及小腹則疝氣之係于肝經也可知矣且小腸氣俗謂之橫絃豎絃繞臍走注少腹攻刺而膀胱氣則在毛際之上小腹之分作痛與疝氣之有形如瓜有聲如蛙或上于腹或下于囊者不同也但小腸膀胱因經絡並於厥陰之經所以受病連

及于肝則亦下控引臍丸為痛然只是二經之病不可以為疝也學者惟考張朱二公之說則庶乎其不惑矣

生生子曰按統旨此論只可以言狐疝不足以盡經義然素問六經皆有疝故後之言疝者或名小腸氣或名膀胱氣或名腎冷氣張戴人朱丹溪乃獨屬之肝經要之各有所本而肝腎居多爾按靈樞經云邪在小腸連臍系屬腎貫肝絡肺系心氣盛厥氣上衝也

大凡邪氣襲于人之經也隨各經而名之襲于腎為
腎氣襲于膀胱為膀胱氣襲于小腸為小腸氣腎與
膀胱相為表裏其氣通于外腎系于臍九此三經與
厥陰互相聯絡而又俱在下部與衝任督諸脈會也
戴人亦曰腎之穴十而言疝者五丹溪乃言與腎絕
無相干絕之一字未細考爾實相須也凡久立過內
則傷腎勞力遠行則傷筋腎傷則膀胱虛筋傷則肝
氣弱一有所傷風寒濕邪乘虛而襲入于腎則睥囊

腫小腹痛而足冷舌本強此腎經受病之候入于肝則先從陰器冷痛上抵脰脇唇青足厥甚則舌卷囊縮此肝經受病之候也膀胱乃胞之室素問骨空論篇曰任脈起于中極之下以上毛際循腹裏上關元自胞上過帶脈貫臍而上故任脈為病男子內結七疝或指膀胱氣者以此也又衝脈為病逆氣裏急督脈起少腹以下骨中央女子入系廷孔其孔溺孔之端也其絡繞陰器合纂間繞纂後別繞臀至少陰其

男子循莖下至纂與女子等其少腹直上者貫臍中
臬上貫心此生病從少腹上衝心而痛不得前後為
衝疝注曰衝任督皆奇經一源而三岐都與腎肝會
也由是考之各有所本匪謬也惟肝腎居多腎不得
無相干肝不得獨主疝從可知矣揣戴人之意若獨
屬之肝則東方實為有餘有餘者瀉之庶可以行生
平所長之技也師者誠能體認不謬則通塞一適其
宜丹溪戴人不多讓矣

挾虛者當用參朮為君佐以疎導之藥其脈豁大按之

無力者虛也 又按之不定者亦屬虛必用桂枝山

梔過炒烏頭細切炒過為末以薑汁糊為丸每服三十

丸薑湯下大能劫痛 食積與死血成痛者梔子桃

仁山查枳實吳茱萸並炒以生薑汁順流水煎湯調

服

一方加茴香附子

戴元禮曰木腎者心火下降則腎水不患乎不溫真陽

下行則腎水不患乎不和安有所謂木強者哉夫惟嗜慾內戕腎家虛憊故陰陽不相交水火不相濟而沈寒痼冷凝滯脹大作痛頑痺結硬不可純用燥熱當溫散溫利以逐其邪邪氣內消榮衛流轉盡如寒谷春回蓋有不疾而速不行而至之妙矣

橘核散 單止痛此蓋濕熱因寒鬱而發用梔子仁以除濕熱用烏頭以散寒鬱況二藥皆下行之藥而烏頭又為梔子所引其行尤速不使胃中停留也

橘核 桃仁 梔子 川烏炒 吳茱萸 水煎服

又方 劫痛 烏頭細切炒 梔子仁炒等分 為末或加或減白

湯丸服亦可

積疝方 山查炒一兩 茴香炒 柴胡炒各三錢 牡丹皮一錢 酒

糊丸如梧子大鹽湯下六十丸

又方 治疝痛

山查炒四兩 枳殼炒 茴香炒 山梔仁炒各二兩 牡丹皮 柴

胡 桃仁炒 大茴炒各一兩 吳茱萸錢五

酒糊九鹽酒吞下五十九

又方 治疝痛

蒼朮

鹽炒

香附

鹽炒

黃栢

酒炒為君

青皮

玄胡索

益智

桃仁

為臣

茴香

為佐

大附子

鹽炒

甘草

為使

水煎服一

痛過更不再作矣

一人有疝腹內有塊每塊痛作疝痛止疝痛作塊痛止

三稜

莪朮

醋煮

神麴

炒

薑黃

南星

各一兩

山查

二兩木

香

沈香

香附

各三錢

黃連

吳茱萸同炒去茱萸用淨黃連五錢

桃仁

蘿蔔子

山梔仁

枳核

炒各五錢

薑汁飣餅糊為丸

治小腸氣及木腎偏墜

黑丑一斤用猪尿胞裝滿以線縫口好酒米醋各一碗于砂鍋內煮乾為度取出黑丑用青紅娘子各十九枚于鐵鍋內炒燥去青紅娘子將黑丑研取頭末四兩另入猪苓澤瀉細末各二兩醋糊為丸梧子大每服三十九空心鹽酒送下不可多服多服令人頭眩如頭眩可服黑錫丹

元戎加味五苓散 治疝氣卒痛小便澀

本方加川練子一分

局方三白散 治膀胱蘊熱濕熱乘陰囊腫痛大小便不利 方見前陰門

復元通氣散

舶上茴香 川山甲 蛤粉炒各二兩 陳皮 玄胡索

黑丑炒末 甘草炒各一兩 木香一兩半

為末每一大錢食前熱酒調服

寶鑑控引牽丸 小腸病結上而不下痛引心臆

茴香

炒

川練子

炒

食茱萸

陳皮

馬閭花

醋炒各一兩

芫花

醋炒五錢

醋糊為丸梧子大每十九至二十九空

心溫酒下

三因大烏頭桂枝湯

治風寒疝氣腹中刺痛手足不

仁身體拘急不得轉側或致陰縮

大烏頭

五枚去皮尖蜜煎過洗切

桂心

白芍

各三錢

甘草

一錢

每

服四錢薑棗煎服

局方奪命丹

遠年近日小腸疝氣偏墜搐痛臍下撮

痛悶亂外腎腫硬日漸滋長陰間濕痒搔成瘡 吳

茱萸

淨一斤四兩用酒醋湯
童便各浸一宿焙乾

澤瀉二兩

酒糊為九梧

子大每五十九空心鹽湯下

葫蘆巴丸

小腸氣蟠腸氣奔豚疝氣偏墜陰腫小腹

有形如卵上下来去痛不可忍或絞結繞臍攻刺嘔

吐者

葫蘆巴

炒一斤

巴戟

炒六兩

川練子

炒一斤二兩

川烏

炮去皮
六兩

茴香

炒二兩

吳茱萸

湯洗七次十兩

酒糊為九梧子

大每二十九空心酒下

戴人禹功散

黑丑

頭末
四兩

茴香

炒一兩

為末以生薑自然汁調一二

錢臨睡服或加白朮一兩

茴香練實丸 治陰疝痛不可忍及小腸氣痛

川練子

炒

茴香

炒

青皮

陳皮

芫花

醋炒

山茱萸

食茱萸

吳茱萸

馬閨花

各等分

醋糊丸梧子大溫酒下三十丸

天台烏藥散 治小腸疝氣牽引臍腹疼痛

烏藥

木香

茴香

炒青皮

良薑

炒各五錢

檳榔

二枚川

練子

十枚

巴豆

七十粒

右先以巴豆微打破同川練麩皮炒黑去巴豆麩皮不用外餘藥同為末每用一錢酒調下甚者薑湯下亦可

濟生葵子湯

膀胱實熱腹脹小便不通口舌乾燥

赤茯苓

猪苓

葵子

枳實

瞿麥

車前子

木通 黃芩 滑石 甘草等分

每五錢入薑煎空心服

局方蟠蔥散 治寒疝氣疝衝心疼痛

玄胡索 蒼朮 甘草各半斤 茯苓 蓬朮 三棱

青皮各六兩 丁皮 砂仁 檳榔各四兩 桂 乾薑各二兩

每服二錢入蓮鬚蔥一莖水煎食前服

金櫃當歸生薑羊肉湯 寒疝腹中痛及脇痛裏急

當歸三兩 生薑五兩 羊肉一斤

水八升煮三升溫服七合日三服如寒多加生薑
嘔者加陳皮二兩白朮一兩

蜘蛛散 治陰狐疝氣偏有大小時時上下

蜘蛛

十四枚
熬

肉桂

五錢一
云五分

為末取八分米飲調服或蜜丸服亦可

王海藏凡用以黑大者去頭足
研如膏入藥中乃效炒黑不妙

東垣丁香練實丸 男子七疝痛不可忍婦人瘕聚帶

下皆任脈所主陰經也乃腎肝受病故治法同 當

歸附子炮 川練子 茴香炒各二兩

好酒三升同煮盡為度焙乾作細末每一兩入丁香木香玄胡末各五錢全蝎十三枚後四味末入在前藥末內和勻酒糊丸梧子大每三十九加至百九空心溫酒下

熨法 鹽半斤炒極熱以舊綿包熨臍腹痛處

又方 葱白研碎一握置臍中上用熨斗熨之或以艾于上灸之尤妙

海藻漬堅丸 治木腎如斗結硬如石

海藻 昆布 川練肉 吳茱萸 湯泡各一兩 木香 青

皮 小茴 荔枝核 炒 玄胡索 炒 肉桂 各五錢 海帶

橘核 炒 桃仁 麩炒去皮尖各一兩 木通 七錢

酒糊為丸梧子大每六十九空心鹽酒任下

癰疽大如升斗者是也惟大不痛丹溪謂非痛斷房事

厚味不可用藥惟促其壽若蒼朮神麴白芷半夏山

查枳實皆要藥人視其為淺鄙以啟慢心又不能斷

慾以愛護其根者非徒無益而又被其害者多矣且其藥宜隨時令寒溫更按君臣佐使加減大抵癩屬濕多

蒼朮

神麴

白芷

散水

山查

川芎

枳實

南

星半夏

神麴糊為丸有熱加山梔一兩堅硬加

朴硝五錢秋冬加吳茱萸二錢半

又方

治癩症

南星

山查

蒼朮

各二兩

白芷

半夏

枳核

神

麴

各一兩

海藻

昆布

各五錢

玄明粉

吳茱萸

各二錢

酒糊丸

治木腎不痛方

南星

半夏

黃栢

酒洗

蒼朮

鹽炒

枳實

山查

白芷

神麴

炒

滑石

炒

吳茱萸

昆布

酒

糊丸空心鹽湯下一方加枸杞子

治偏墜初生

穿山甲

茴香

為末酒送下乾物壓之

潔古海蛤丸

治癩疔從小便中利出惡物

海蛤

醋淬三次

海金沙

膩粉

硼砂

川歸

各一錢

海藻

粉霜

各五分

水蛭

廿一條炒

青黛

滑石

乳香

各一錢

硃

砂地龍

二十一條鹽水洗去泥

右用鹽煮麵糊為丸小豆大硃砂為衣每十九燈

心湯空心服之小便下冷膿惡物乃效却以黃連

紫河車板藍根各二錢煎湯漱口以固牙一方去

板藍根加貫衆

王海藏地黃膏子 男子婦人臍下奔豚氣塊小腹疼

痛陰腫控臑而痛上衝心腹不可忍者

血竭 沉香 木香 人參 廣茂炮 玄胡索 蛤

蚧 川歸 川芎 續斷 白朮 川練子炒 全蝎

茴香炒 柴胡 沒藥 吳茱萸

已上分兩隨症加減用之 氣多者加青皮血多

者加肉桂 為末地黃膏子為丸梧子大空心溫

酒下二十九日加一九至三十丸

本事方念珠丸 膀胱疝氣外腎腫痛不可忍昔有人

貨此藥治疝如神一日貨數千九一國醫多與金而得之用果良驗

乳香

礪砂

飛各三錢為末

黃蠟

一兩

熔化分作一百單八

丸以線穿之露一宿次日用蛤粉為衣旋取用乳香湯送下

丹溪治鄭子敬酒後飲水及水果腎偏大時作蛙聲或作痛炒枳實一兩鹽炒茴香炒梔子各三錢研煎湯送下保和丸 又一人膀胱氣下墜如蛙聲臭橘核

炒十枚桃仁二十枚蘿蔔汁下保和丸七十丸

一人年三十左腎核腫痛此飲食中濕墜下成熱以臭橘核五枚桃仁七枚細研順流水一盞煎沸湯熱下保和丸

丹溪治木腎以水晶蒲桃葉 野紫蘇葉 蒼耳葉濃煎湯薰洗

一方治水癰偏大上下不定疼痛不止

牡蠣不拘多少鹽泥固濟炭三斤煨令火盡冷取出

二兩加乾薑一兩焙為細末二味和勻以冷水調塗病處小便大利而愈

又方 玄胡索

鹽炒

全蝎

為末每二錢溫酒調下

雄礬散 治陰腫大如斗核痛

雄黃

一兩

白礬

二兩

甘草

五錢

水煎先薰後洗效

治偏墜 一人核腫痛甚二子不分大如升偏醫不效以此治除根松江甚神此方

牡丹皮

二兩

蒼朮

米泔浸三日鹽水拌炒六錢

荔枝核

炒一兩

山查

一兩

半
橘核炒七錢 山梔仁去皮以吳茱萸湯炒三兩

神麴糊九 梧子大空心白湯下五十丸

解鉗九 治小腸氣及膀胱氣橫絃豎絃木腎偏墜下

部諸疝氣痛

木鱉子二兩淨去油用木通二兩切碎同炒焦黑色去木通 茴香二兩用斑貓二十一枚去

頭翅足同炒 黑丑二兩用蘿蔔子二兩畧研碎同炒香熟去蘿蔔子 半夏二兩

用薤荔二兩向陽者剉 補骨脂二兩用猪苓二兩剉碎同炒去猪苓 酒

糊九 梧子大空心服三十丸 炒薑鹽燈心酒下下

午後臨睡各一服

五妙丸 治一切下部氣速效如神

黑丑

補骨脂

川練肉

各一兩用
地龍一兩
同三件炒去地龍

半夏

一兩用猪苓一兩
同炒去猪苓不用

茴香

一兩用班貓十四枚
同炒去班貓不用

丁香分二

用土狗十枚
同炒去土狗

玄胡索

一兩炒

酒糊丸 梧子大每服十九加至十五丸空心鹽酒

送下

乳薑湯

治寒疝氣上衝中脘築痛

乳香末

錢二

生薑自然汁

錢二

水一大盞同煎三五沸通

口服一服效

香朮丸

寒濕成疝腎腫疼痛

蒼朮

半斤米泔水浸一宿曬乾用生薑半斤蔥白四兩搗炒蒼朮乾去蔥薑不用

茴香半斤

用生薑汁四兩浸一宿後用鹽炒乾

吳茱萸

湯泡炒四兩

右為末搗葱白成膏為丸梧子大每五十丸空心

溫酒或鹽湯下

又方 治諸疝痛及心痛臨發時服

海石 香附 為末薑汁調下

一人患疝多服熱藥以致小便不通後用五苓散分三帖每加連鬚葱一根麝香少許鹽五分煎服連進三服其夜下黑汁二升臍下遂寬續用礪砂丸數日全愈



赤水元珠卷十五